



Comune di Quartu Sant'Elena
Comunu de Quartu Sant'Aleni

I.C. "Porcu Satta" – Classis 1[^] C, 1[^]F

A.S. 2023/2024

Quartu Sant'Aleni, su 06 de abrili 2024

Is Curadorias. Su territòriu (su logu) de sa Sardìnnia giudicali fiat partziu in Curadorias, distretus aministrativus cun biddas chi dipendiant de su cabulogu, innui s'agatàt su Curadori. S'autoridadì giudicali dda rapresentànt is Jurados e sa Corona de Curadoria. Su Curadori ddu nominàt su Giugi (Judike).

Su Condaghe de Santa Maria (su fueddu Condaghe ndi benit de su gregu Condaghion= su fustigheddu chi beniat impreau po arrodulai is pergamenas), est unu documentu de 95 paperis numeraus. Su documentu prus antigu est de s'annu 1180, mentras in is pergamenas n. 33 e 37 agataus is atestatzionis asuba de Agalbursa, sa mulleri cadalana de su giùighe Barisone I. Is ùrtimas schedas faint riferimentu a s'annu 1260.

38. Manca et Orçoco ciu meu. Posi ·I· boe et ·I· cubaet ·II· parzones de vinia: una est tenendo assa de lorgi Man-ca et iss'atra tenendo assa de Troodori Vidrinkis. Et ego Comita de Lacon Ludru pono pro anima mea ad sancta Ma-ria de Bonarcatu cuba ·I· et ·II· parçones de vinia: una est te-nendo assa de sancta Maria de Senege et iss'atera parçone tenendo assa de Petru Latu (*Manca e Orzoco mio zio. Donai un bue ed una botte e due quote della vigna: una confinante con quella di Gorgio Manca e l'altra con quella di Torchitorio Vidrinkis. Ed io Comita de Lacon Ludru dono per l'anima mia a Santa Mariadi Bonarcado una botte e due quote della vigna: una confi-na con quella di Santa Maria di Seneghe e l'altra con quella di Pietro Latu*).

Eleonora o Elianora d'Arborea (Molins de Rei, 1347–Sardìnnia, mesi de làmpadas 1403), fiat sa Giuigissa de Arborea, connota po sa Carta de Logu, bessida candu ddoi fiat su Babbu Mariano IV e annoada de su fradi Ugone su de III. Is aragonesus, chi s'ant a aposentai in s'isula in is sèculus imbenientis, ponint in aplicu sa Carta in totu sa Sardìnnia.

Eleonora nascit in Molins de Rei (Catalogna, Corona de Aragona), in su 1347, filla de Mariano su de IV de Serra Bas e de sa nòbili cadalana Timbora de Rocaberti. Sorri de Ugone e de Beatrice, bivit in Aristanis e in su casteddu de su Gocèanu. In su 1347 si morit su giugi Pietro su de III de Arborea, sa Corona de Logu de su giuigau eligit a Mariano IV, fradi de Pietro, chi diventat giugi fintzas a su 1376. Eleonora si cojat cun Brancaleone Doria, po un'alleàntzia intra de is Arborea e is Dòria de Gènova.

Carta de logu 45 - ORDINAMENTOS DE FOGU. Volemus et ordinamus: qui neruna persona deppeat ne pozat ponne fogu infini ad passadu sa festa de sancta Maria qui est a dies VIII de capudanni et qui contra fagherit paghit de maquicia liras XXV et ultra so paghit su dannu cat fagher acuyu ad esser. Et de cussa die inantes ciascaduna persona pozat ponne fogu a voluntadi sua guardando si pero no fazat dannu ad atere, et si fagheret damno paghit pro maquicia liras X, et issu dannu ad qui l'at aver factu. Et si no ad de qui ndi pagare cussu qui ad esser condemnadu in liras x.istit in pregione ad voluntadi nostra. Et issus jurados de sa villa hue ponne su fogu siant tenudos de prouare et tenne sos malefactores predictos et de representarelllos a sa corte nostra infra XV dies. Et si nò los tenint in su dictu tempus sus dictos jurados cum sos hominis dessa villa paghit de maquicia cio est sa villa manna liras XXX et issa villa pizina liras XV et issu curadores de ciascuna de cussa villas paghit sodhus C (centu), et de sos benes cant lassari: cio est sos cant essere fuidos et inculpadussi depplant pagare su dannu ad cuy ad esser et issu remanente decussus benes si depplant contari in su pagamentu qui ant fagher sos hominis dessa villa.

182. De boynargius.

Item ordinamus. qui si alcinu boynargiu qui hauerit bois ì guardia li fuirit alcinu iuhu ouer boe dae sos boes qui teneret in guardia cussu tali boynargiu siat tenudu qui su die quilli at esser fuidu su dictu iuhu ouer boe qui su nocte qui at torrari lu depiat dari ad intèdiri ad su pubillu de su dictu iuhu: ouer boe quilli esseret fuidu ad malauogia sua et si gasi faghit su dictu boynargiu non siat tenudu ad pena alcuna et si gasi non fagheri secundu desupra siat tenudu cussu tali boynargiu detorrari su ditu iuhu ouer boe ad ispesas suas a su armètu dessos boes domados.

192. Qui narrit iniuria ad officiali. Constituimus et ordinamus: qui si alchuna persona narrit alcuna paraula iniuriosa ad alcuno officiali nostru faguendo sos factos nostròs ouer quilli leuarit sa prea dae manus cussa tali personi qui at fagheri secundu de supra pagit a sa corte nostra pro maquicia si legitiamèti indest bintu. llrs xxv. et si nò paghat infrà dies. xv. de qui at esser iuygadu prossa paraula iniuriosa silli seguit sa limba et proleuari sa prea dae manus segint illi sa manu dresta.